



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quòd Petrus Mongus Zenonis Henoticum, hoc est, cõciliatricem epistolam
recipit, & iis qui à Proterij partibus steterunt coniungitur. Cap. XIII.

urn:nbn:de:hbz:466:1-12718

Quòd Petrus Mongus Zenonis Henoticum, hoc est, conciliatricem epistolam recipit, & iis qui à Proterij partibus steterunt coniungitur. Cap. XIII.

Huius rei administrationem Pergamius præfectus Aegypti iam designatus de sententia Acacij episcopi Constantinopolis, suscepit: qui cum Alexandriam appulisset, comperissetque Ioannem aufugisse, venit cum Petro in colloquium: suadet, ut epistolam Zenonis Alexandrinis dedicatam, & eos etiam, qui ab ipso dissentiunt, admittat. Itaque Petrus epistolam, quam dixi, recipit, eique subscribit: polliceturque se eos, qui partes aduersarias sequebantur admissurum. Postea ergo cum celebris conuentus Alexandriae ab vniuerso populo ageretur, & ad vnum omnes epistolam Zenonis de concordia admitterent, Petrus quoque eos, qui stabant à Proterio, recipit: & concione apud populum in ecclesia habita, epistolam Zenonis de concordia legit.

De Henotico quod vocant Zenonis, hoc est, conciliatrice eius epistola. Cap. XIIIII.

Zenonis de concordia epistola.

Zeno Imperator, Cæsar, Pius, Victor, Triumphator, Max. semper Augustus, reuerendiss. Alexandriae, Aegypti, Libyæ, & Pentapolis episcopis, Clericis, monachis, & Laicis S.

Quoniam pro certo scimus imperium nostrum à sincera fide & vera fide tui initium habuisse, tui stabilitum esse, tui robur ac præsidium, quod expugnari nequit, ex ea sumptum esse (quam quidem fidem diuini numinis instinctu trecenti decem & octo sancti patres Nicæe congregati exposuerunt, quæque etiam confirmarunt centum & quinquaginta sancti patres Constantinopoli coacti) noctes diesque non precibus solum, sed studio omni, & legibus sancitis laborauimus, ut ea in sancta, catholica, & apostolica dei ecclesia, quæ ubique terrarum est, quæque immortalis & sempiterna nostri principatus quasi parens est, plene perfecteque expleatur: priusque Dei populus in pace & diuina concordia perseverans, gratas acceptasque præcationes unam cum sanctissimis episcopis, & clero pietati deditissimo, & monasteriorum